



COMUNU DE SANTADI

Provìntzia de su Sud Sàrdigna

Pratza Marconi 1

C.A.P. 09010 TEL 078194201 – FAX 0781941000

e-mail: areamministrativa@comune.santadi.ci.it

AREA AMMINISTRATIVA E SERVÌTZIU A SA PERSONA SERVÌTZIU SPORT

BANDU PO SA CUNTZESSIONI DE CONTRIBUTUS A SUSTEGNU DE S'ATIVIDADADI
SPORTIVA IN FAVORI DE SOTZIEDADIS E ASSÒTZIUS SPORTIVUS DILETANTÌSTICUS

SU RESPONSÀBILE DE SU SERVÌTZIU SPORT

FAIT SCIRI

In esecuzioni de sa Deliberatzioni C.C. n. 16 de su 25.05.2017

Funt abertus is tèrminus po sa presentatzioni de is dimandas de contributus a sustegnu de is pràticas sportivas, po s'annualidadi 2022

ART. 1 SUGETUS BENEFITZIÀRIUS

Is contributus finanziàrius comunali po is atividadis sportivas funt destinaus a s is A.S.D.:

- a. iscritas a s'albu comunali de assumancus un annu in antis de su chi funt circhendi su contrintutu
- b. chi tenint sea legali, sotziali, organizzativa in Santadi;
- c. chi faint atividadi in manera prevelanti in su territòriu comunali de Santadi;
- d. afiliadas a is Federatzionis sportvas natzionalis e/o a is Disciplinas assotziadas e/o a is Entis de promotzioni sportiva reconnotus e operantis in àmbitu regionali eo provintziàli;
- e. chi iscriant scuadras e atletas a is campionaus e/o torneus reconnotus de is Federatzionis sportivas natzionalis, de is Disciplinas assotziadas e de is Entis de promotzioni sportiva reconnotus de su CONI.

ART. 2 – CRITÈRIUS DE ASSEGNATZIONI DE IS CONTRIBUTUS

Is risorsas funt partziai a intrus de is sotziedadis e assòtzius in relatzioni a s'atividadi fata in sa stasoni sportiva de riferimentu.

Is sotziedadis e is assòtzius afiliadas a is Entis de promotzioni sportiva reconnotus de su CONI partetzipant a s'assegnatzioni de is contributus in manera limitadas a s'atividadi fata cun atletas in sa fàscia de edadi fintzas a 17 annus.

Is risorsas funt partzias sigundu is critèrius afatantis:

- a. Su 30% de su fundu est destinau a is spesas sustènnias in is cunfrontus de is Federatzionis sportivas e/o Entis de promotzioni sportiva po afiliatzionis, iscritzionis a campionaus e tassar garas e tesseramentus. Is spesas sustènnias in is cunfrontus de is Federatzionis e/o Disciplinas assotziadas

e/o Entis de promotzioni sportiva s'ant a rimborsai sceti in su casu chi is sotziedadis apant partecipau a garas o campuonau organizaus de cuddus organismus. Residus eventualis ant a andai a si aciungi a su fundu garas (puntu c).

b. Su 25% de su fundu est erogau in sa basi de su nùmeru de is atletas tesseraus de dònna sotziedai in su Comunu de Santadi a is Federatzionis sportivas natzionalis, a is Disciplinas assotziadas, a is Entis de promotzioni sportiva reconnotus de su CONI. A custu scopu at a essi multiplicau po su paràmetru 2 su nùmeru de is atletas residentis chi no apant ancora cumpriu is 17 annus a sa data de su 1 gennàrgiu de sa stasoni sportiva de riferimentu e po su paràmetru 1 totus is àterus atletas residentes. Su nùmeru de is atletas residentis at a essi multiplicau po su paràmetrus 0,5. Is atletas chi frecuentant is scolas de Santadi funt ecuparous a is residentis. A dònna manera, ant a essi esclùdius de s'atributzioni de su puntègiu is chi faint sceti atividadi amatoriali sigundu s'art.2, comma 1 de su DM 24 de abrili 2013.

c. Su 45% de su fundo est erogau in sa basi de is garas fatas in s'annu agonisticu de riferimentu o, a dònna manera, a intrus de su 31 de mesi de ladàmini de sa stasoni sportiva. Is garas funt stalladas a sigundu chi apartengant a torneus federalis o non federalis comentis Anspi, Uisp, CSI etc. Ppo su chi pertocat is torneus federalis, is garas natzionalis o internatzionalis ant a essi multiplicadas po su paràmetru 3, is garas regionalis po su paràmetru 2 e is provintzialis po su paràmetru 1. Po su chi pertoat is torneus non federalis comentis Anspi, Uisp CSI ecc., is puntègius arremonaus in antis funt smenguaus de su 50%: is garas natzionalis o internatzionalis po su paràmetru 1,5, is garas regionalis po su paràmetru 1 e is provintziali po su paràmetru 0,5. Funt esclùdias de is contributus is atividadis amatoriali sigundu s'art. 2, comma 1 de su DM 24 abrili 2013.

d. Is manifestatzioni o is campuonau chi s'ant a fai in sa pròpiu dii e in su pròpiu logu, cun prus garas, chi coinvolgint prus categorias o scuadras, s'ant a cunsiderai che una gara ùnica.

e. Po sa mannària de su campuonau e duncas de is garas chi ndi faint parti si cunsiderat sa denominatzioni donada de sa dfederatzioni de cumpetèntzia (es. si depint cunsiderai regionalis totus is garas chi torrant in unu campuonau denominau regionali de sa Federatzioni).

f. Po stasoni agonistica si cunsiderat s'atividadi agonistica fata de sa sotziedadi in su perìodu 1 gennàrgiu/31 de mesi de idas

g. Non funt ammittias a finantziamentu is spesas e is garas relativis a manifestatzionis sportivas benefiziàrias de àterus finantziamentus comunali

ART. 3 – MODALIDADI DE PRESENTAZIONI DE IS DIMANDAS

Is rechestas si depint formulai sceti sigundu su schema de dimanda allongiada e allegaus chi si agatant in su situ de su Comunu www.comune.santadi.ci.it e mandadas a mèdiu pec a s'indiriztu protocollo@pec.comunesantadi.it o in busta serrada (sutascrita de su rapresentanti legali de sa sotziedadi), po mèdiu de servitziu postali o a manu, a s'Ufitziu Protocollu de su Comunu de Santadi, postu in Pratzza G.Marconi 1, de lunis a cenàbara de is 10.00 a is 12.00 e sa giòbia de is 16.00 a is 18.00.

Su tèrmini po sa presentazioni de is istàntzias relativis a sa cuntzessioni de contributus a comentis funt descritus in antis est stabiliu **a is oras 12.00 de sa dii 17 de mesi de idas 2022.**

ART. 4 – MODALIDADI DE ASSEGNAZIONI

S'ufitziu cumpetenti protzedit a s'istrutòria e s'aprontamentu de sa graduatòria a intrus de 60 diis, indichendi s'importu assignau a doniunu de is chi tenint deretu. Sa graduatòria est publicada in s'albu pretòriu comunali e in su situ web istituzionali.

S'assegnazioni de su contributu s'at a fai salva sa verìfica de su pagamentu regulari de òneris eventualis dèpidus a s'Enti po s'impreu de impiantus sportivus. In casu de dèpidu s'Amministratzioni at a tratenni s'importu relativu s'importu relativu boghendinde-ddu de su contributu.

ART. 5 – CÀUSAS DE ESCLUSIONI

Funt càusa de esclusioni:

1. su de no ai fatu nisciuna atividadi agonìstica in s'annu de riferimentu;
2. sa presentazioni mancada de is domandas a inteus de sa data prevèdia in s'art.3

Po informatzionis:

Rag. Nicoletta Carboni – Tel 0781 9420310

Santadi, 05.12.2022

Su Responsàbili de su Servìtziu Sport
f.au dot.a Caterina Meloni